



Tomas Benetis
Hindenesvegen 187
5993 ØSTEREIDET

Referanser:
Dykkar:
Vår: 21/5431 - 22/62072

Saksbehandlar:
Hogne Askeland
hogne.askeland@alver.kommune.no

Dato:
17.08.2022

Vedtak om pålegg om retting og ilegging av tvangsmulkt gbnr. 242/14 Eidsheim

Administrativt vedtak: Saknr: 882/22
Tiltak: utbetring slamavskiljar
Byggjestad: Gbnr: 242/14 Eidsheim
Tiltakshavar: Tomas Benetis

VEDTAK:

Med heimel i forureiningslova § 7 fjerde ledd krev Alver kommune at det vert installert godkjend minireinseanlegg på eigedommen din gnr. 242, bnr.14 Eidsheim nordre. Frist for retting er sett til 28.02.2023. Alver kommune skal underrettast når arbeidet er utført.

Med heimel i forureiningslova § 73 vert det fatta vedtak om ilegging av tvangsmulkt, i form av ei eingongsmulkt stor kr.15 000,- og ei dagmulkt stor kr. 200,- pr dag dersom utbetringa ikkje vert gjort innan 28.02.2023. Tvangsmulkta vil gjelde i frå 01.03.2023.

Saksutgreiing

Vi viser til førehandsvarsel om pålegg om utbetring av avløpsordning datert 15.07.2021, med frist for retting 15.10.2021. I førehandsvarselet ber vi om tilbakemelding når dette er utført. Alver kommune har innan fristen ikkje motteke tilbakemelding om at avløpsanlegget er utbetra.

Det er forureinar sitt ansvar å sørkje for at tilhøva på eigedomen ikkje verkar ureinande. Grunnboka visar at det er dykk som er eigar av gnr. 242 bnr. 14, og kommunen rettar difor pålegget til dykk.

Grunngjeving for pålegg om rydding og ilegging av tvangsmulkt

Alver kommune har den 09.06.2021 motteke ei bekymringsmelding med informasjon om at slamavskiljaren som er knytt til avløpsløyninga frå dykkar eigedom ikkje er i godkjent stand,

Ved synfaring ser vi at dei støypte tankane som ligg inne i uthuset på naboeigedomen er tomme og det er stor oppsamling av kloakk i terrenget bak uthuset.

Bustaden din ligg i eit område der slamavskiljar ikkje lenger er godkjend som avløpsanlegg. Årsaka til det er at slamavskiljar berre vil bli godkjend av kommunen der det er mogleg å føre leidningen ut i sjø. Sandfiltergrøft er heller ikkje lenger ein godkjend del av eit privat avløpssystem i Alver kommune.

Septiktankar med utslepp i sandfiltergrøft er ikkje lenger godkjend som avløpsordning, og du har i brev av 15.07.2021 fått krav om at tanken må skiftast ut med eit godkjend minireinseanlegg.

Grunneigaren skal ha eit avløpssystem som er i tråd med føresegnene i denne forskrifta og avløpet skal vere godkjend av kommunen.

Føresegna i forureiningslova. § 7 seier at alle har ei plikt til å unngå forureining. Det følgjer av forureiningslova § 7 først ledd at:

«Ingen må ha, gjøre eller sette i verk noe som kan medføre fare for forurensning utan at det er lovlig etter §§8 eller 9, eller tillatt etter vedtak i medhold av § 11.»

Alver kommune har etter forureiningslova § 7 fjerde ledd mynde til å gje pålegg til den ansvarlege om utbetring av avviket innan ein nærare angitt frist.

Dersom kommunen innan 28.02.2023 ikkje har fått ei skriftleg tilbakemelding frå deg med opplysningar om at anlegget er utbetra, vil vedtaket tre i kraft.

Installasjon av minireinseanlegg er eit søknadspliktig tiltak, jf. plan- og bygningslova § 20-1, bokstav f.

Andre opplysningar

Pålegg om tvangsmulkt er tvangsgrunnlag for utlegg, jf. tvangsfullbyrdslova § 7-2.

Tvangsmulkta kan inndrivast utan opphald av Statens innkrevingssentral.

Den som unnlet å treffe tiltak som han er pliktig til etter forureiningslova § 7, kan straffast med bøter eller fengsel i inntil 1 år, jf. forureiningslova §§ 78 og 79.

Tilbakemelding

Når utskifting er utført, må eigar sende inn dokumentasjon for utført arbeid og returnere det til kommunen innan den nemnde fristen.

Dokumentasjon sendast til:

E-post post@alver.kommune.no

Brev Alver kommune, postboks 4, 5906 Frekhaug.

Aktuelt regelverk:

- Plikt til å unngå forureining og sørgje for retting når dette er skjedd følgjer av forureiningslova § 7.
- Ilegging av tvangsmulkt følgjer av forureiningslova § 73
- Straffeansvar for forureining eller forsøpling framgår av forureiningslova §§ 78 og 79.

Dersom du har spørsmål til saka, kan du ta kontakt med sakshandsamar på telefon 56 34 90 06 eller på e-post.

Pålegg om tvangsmulkt er tvangsgrunnlag for utlegg, jf. tvangsfullbyrdslova § 7-2.

Tvangsmulkta kan inndrivast utan opphald av Statens innkrevingssentral.

Mynde

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegeringsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: 21/5431

Med vennleg helsing
Alver kommune, Miljø og tilsyn

Eirik Berntsen
Avdelingsleiar

Hogne Askeland
Konsulent

Dette dokumentet er elektronisk godkjent og har difor ingen signatur.

Mottakarar:

Sigita Kontrimaite
Tomas Benetis

Hindenesvegen 187
Hindenesvegen 187

5993 OSTEREIDET
5993 OSTEREIDET